

THIRRJE PËR PROJEKT PROPOZIME PËR GRANTE Nr. 012023

TITULLI I PROJEKTIT:

“SHFRYTËZIMI I QËNDRUESHËM I BURIMEVE NATYRORE PËR ZHVILLIMIN NDËRKUFITAR SOCIO-EKONOMIK TË ZONAVE TË MBROJTUARA NË MAQEDONINË VERIORE DHE SHQIPËRI (KORAB-KORITNIK, SHARR DHE ALPET SHQIPTARE)”

Dorëzimi i projekt propozimeve nga Organizatat Joqeveritare të përfshira në aktivitetet e menaxhimit të burimeve natyrore në kufijtë administrativ të bashkisë Kukës në kuadër të projektit PONT me qëllim përdorimin e qëndrueshëm të burimeve natyrore për zhvillimin ndërkufitar social-ekonomik të zonave të mbrojtura.

Vështrim i përgjithshëm

CNVP është një organizatë hollandeze që operon në Ballkan. Misioni ynë është të promovojmë përdorimin e qëndrueshëm të burimeve natyrore dhe të ofrojmë mbështetje për komunitetet dhe qeverisjen lokale në krijimin e një jete në harmoni me natyrën. Nëpërmjet projekteve të ndryshme, ne synojmë të kontribuojmë për një Evropë më të mirë ne pjesën Juglindore duke u fokusuar në gjashtë fusha kryesore:

1. Menaxhimi i qëndrueshëm i burimeve natyrore
2. Ndryshimi i klimës
3. Zhvillimi rural
4. Energjia e rinovueshme
5. Mobilizimi i komunitetit
6. Aderimi evropian

CNVP, përmes degëve të saj në Maqedoninë e Veriut dhe Shqipëri, po zbaton një projekt trevjeçar “ **Përdorimi i qëndrueshëm i burimeve natyrore për zhvillimin ndërkufitar socio-ekonomik të zonave të mbrojtura në Maqedoninë e Veriut dhe Shqipëri** (Korab-Koritnik, Sharr dhe Alpet Shqiptare)”, financuar nga Prespa Ohrid Nature Trust (PONT).

Në zbatimin e këtij granti, CNVP bazohet në përvojën e saj në Prespë, të mbështetur nga PONT, si dhe në punën e saj të gjerë në vendet e Ballkanit gjatë shumë viteve me mbështetjen e donatorëve të tjerë.

Projekti synon të përmirësojë kushtet socio-ekonomike të komuniteteve lokale, duke kontribuar në ruajtjen e natyrës. Ai fokusohet veçanërisht në përdorimin e qëndrueshëm të produkteve pyjore jo-drunore (PPJD) dhe turizmin e bazuar në natyrë, duke përdorur një qasje pjesëmarrëse, ndërkufitare dhe ndërsektoriale.

Për më tepër, ne do të zbatojmë një program të vogël grantesh për OJQ-të lokale dhe shoqatat e përdorimit të burimeve natyrore për të promovuar dhe pilotuar qasje dhe praktika të reja në turizmin e bazuar në natyrë dhe menaxhimin e PPJD në kontekstin ndërkufitar.

Projekti ka tre objektiva kryesore:

1. Përdorimi i qëndrueshëm i PPJD në zonat e mbrojtura të Sharrit, Korab-Koritnik dhe Alpeve Shqiptare, duke kontribuar si në ruajtjen e natyrës ashtu edhe në zhvillimin e komunitetit lokal në këto Zona të Mbrojtura.
2. Turizmi i bazuar në natyrë në zonat e mbrojtura të Sharrit, Korab-Koritnik dhe Alpeve Shqiptare, duke kontribuar si në ruajtjen e natyrës ashtu edhe në zhvillimin e komunitetit lokal në këto Zona të Mbrojtura.
3. Zhvillimi i një mekanizmi qeverisës në Sharr, Korab-Koritnik dhe Alpet Shqiptare për të mundësuar turizmin e bazuar në natyrë dhe shfrytëzimin e burimeve të tjera natyrore të qëndrueshme në këto Zona të Mbrojtura:

Grantet janë të destinuar kryesisht për OJQ-të e kualifikuara me një prani lokale me fokus në Rajonin e Kukësit dhe me mision dhe strategji të fokusuar në ruajtjen e natyrës. Aktivitetet e pranueshme përfshijnë pjesëmarrjen e qytetarëve në përpjekjet për ruajtjen, zhvillimin e shoqërive dhe komuniteteve lokale dhe nxitjen e përdorimit të qëndrueshëm të burimeve natyrore.

Thirrjet e hapura për propozimin e granteve do të reklamohen në faqen e internetit të CNVP dhe rrjetet e mediave sociale.

Fusha e thirrjes

Kjo Thirrje për Projekt Propozime Grantesh është e hapur për OJQ-të aktive **në territorin administrativ të bashkisë Kukës**, me mision mbrojtjen e mjedisit, fuqizimin e organizatave lokale, ndergjegjesimin e komunitetit për menaxhimin e qëndrueshëm të burimeve natyrore në Zonat e Mbrojtura.

Objekti tematik i kësaj Thirrje përcaktohet nga **objektivi i mëposhtëm** :

Turizmi i bazuar në natyrë në zonat e mbrojtura të Sharrit, Korab-Koritnik dhe Alpeve Shqiptare kontribuon si në ruajtjen e natyrës ashtu edhe në zhvillimin e komunitetit lokal në këto Zona të Mbrojtura.

Aktivitetet kryesore do të fokusohen në komponentët prioritarë të biodiversitetit që përfitojnë nga produktet dhe shërbimet e reja për turizmin e bazuar në natyrë.

Shtirja gjeografike e kësaj thirrje është e kufizuar në Zonat e Mbrojtura në bashkinë Kukës:

Kualifikimi i aplikantëve

Projekt propozimet në kuadër të kësaj Thirrjeje do të dorëzohen nga OJF lokale që plotësojnë kriteret, aktive në **territorin e bashkisë Kukës**. Për qëllimet e kësaj Thirrjeje, aplikanti i kualifikuar duhet të jetë i themeluar ligjërisht nga një gjykatë sipas ligjit shqiptar, i regjistruar në tatim taksa si një organizatë jofitimprurëse që ushtron aktivitetin në zonën e Bashkisë Kukës dhe të ketë një llogari bankare aktive. Misioni i deklaruar i këtyre OJQ-ve duhet të përfshijë mbrojtjen dhe/ose ruajtjen e natyrës, ndergjegjesimin e komunitetit në përdorimin e qëndrueshëm të burimeve natyrore.

Ju lutemi vini re se aplikantët që aktualisht po zbatojnë projekte me financime nga PONT nuk kanë të drejtë të aplikojnë për këtë thirrje.



Aplikantët në të cilët personeli i Zonave të Mbrojtura është i përfshirë si anëtar i bordit dhe menaxhimit ose veprojnë si staf/ekspertë të OJF, nuk kanë të drejtë të aplikojnë.

Aktivitetet e pranueshme

Aplikantëve u kërkohet të aplikojnë për një nga aktivitetet e mëposhtme:

1. Shënimi i shtegut me emrin “ Shtegu i ngjyrave ”, që nga fillimi dhe **duke u shtrirë në një distancë 5.5 km** . Shenjat dhe tabelat përkatëse informuese, treguese dhe drejtuese përgjatë shtegut duhet të jenë në përputhje me standardet e ZM-ve përkatëse. Vendndodhja e shtegut jepet në hartën e mëposhtme:

**KORAB KORITNIK
SHTEGU I NGJYRAVE SHISHTAVEC
PJESA E PARE
GJATESIA 5.5 km
ADZM KUKES**



2. Rehabilitimi i Shtegut Koritnik-Qafe Zbineci me gjithë gjatesinë prej **5.4 km** .
3. Vendosja e **3 tabelave** informative në hyrje të Korabit Koritnik në Çaje dhe Grykë Vana. Përputhshmeria me standardet e ZM është e detyrueshme.
4. Hartimi dhe vendosja e stendave/tabelave informative për monumentet e natyrës në Parkun Natyror Korab Kortinik brenda kufijve të Bashkisë Kukës. Përputhshmeria me standardet e ZM është e detyrueshme. Në total **për këtë thirrje janë 10 monumente natyrore** .

Aplikimi për një Grant

Aplikantët duhet të dorëzojnë projekt propozimin si organizata individuale. Modeli i aplikimit dhe kërkesat e detajuara mund të gjenden në faqen e internetit të CNVP: <http://cnvp-eu.org>

Buxheti për çdo aktivitet do të jetë nga **3,000 € deri në maksimum 10,000 €**.

Afati kohor i zbatimit të grantit është **3.5 muaj, nga mesi i korrikut deri më 1 nëntor 2023** .

Afati i fundit për paraqitjen e aplikimit

Aplikantët e interesuar duhet të dorëzojnë projekt propozimet e tyre jo më vonë se **7 korrik 2023** në orën 15:00. Aplikimet duhet të dërgohen në CNVP **në kopje fizike** në adresën e mëposhtme:

CNVP
Qendra e Biznesit Zayed, Kati 7,
Rr. Sulejman Delvina,
Tiranë

Për më tepër, një version elektronik i aplikimit duhet të dërgohet në adresën isuf.omuri@cnvp-eu.org

Për të aplikuar për një grant sipas kësaj Thirrje, ju lutemi plotësoni **dokumentat e aplikimit** të disponueshëm [këtu](#)

Procesi i rishikimit dhe hapat e mëtejshëm

Procesi i shqyrtimit të projekt propozimit do të zgjasë afërsisht 10 ditë nga data e afatit. Një komision i posaçëm vlerësues do të zgjedhë projekt propozimet më të mira që plotësojnë kriteret e pranueshmërisë të përshkruara më sipër. Aplikanti/ët fitues do të marrin një përgjigje që përshkruan hapat e mëtejshëm për projekt propozimin e tyre.